



Ein Vrtawl

Gottes vnsers eegemahels /

wie man sich mit allen gözen vnd bild

müssen halten soll / auß der haylig

en geschriefft gezogen / durch

Ludwig Häger.

1523.

3. Kelen



Got vnser vatter vnd

Remahel verbeit vns die
bilder zū machen.

Exodi 20. Capitel.

Du solt nit frembd Göt vor mir haben/
mach dir kein geschnitzte bild / noch sonst
kein abcontrafayung deren so auf dem
Erdrich seindt. Ja auch deren nit so
im wasser vnder dem erdboden seind / du
solst dich vor ihnen weder naygen / noch
bügen. Ja du solt ihnen auch sonst nit eer entbieten.
Dann ich bin der herr / deyn got / ain eyferer.

Exodi am vorigen Capitel.

Der herr sagt zu Mosi / das red mit den kindern
Israhels. Ir habendt gesehen das ich vom hymel
herab mit euch geredt hab. Machendt mich nit zu
ainem guldinen oder Silbernen gott.

¶ Hie verbeit got vnser seligmacher das wir auch
in nit söllent auffmugen.

Exodi am 34. Capitel.

Du solt dir selbs nit gossen gözen machen.

Leut. am 19. Capitel.

Ich bin der herr ewrer got / Kerent euch nit zu den
bildnussen / vnd machent euch nie gossen gözen.

Leui. am. 26. Capitel.

Ich bin der herren ewiger got. machent euch kein
abcontrafayung noch schnitzet bild. richtet auch kein
saul auff. machend euch kein besondern stain dem jr
eer erbiectent. dann ich bin der herren ewiger got. ¶ Als
sam er sagte mir gehört alle eer ic.

Deutro. am 4. Capitel.

Ir habent gar kein bildnuß gesehen in dem tag
da der herren mit euch geredet hat auff dem berg Oreb von
mitten dem feur. Das jr nie betrogen euch selbst ein
geschnitzet bild machende. oder ain abcontrafayung
ains mans oder weybs. oder ain bildung aller thyeren
so auff erdtrich sinde. oder der vögel des luffts so da
fliegend. oder so auff dem boden kriechent. oder deren
thieren so im wasser sind auch das du mit dein auffge
heßten augen in himel die son. und mon. oder all an
dre gßtern sehest. damit du betrogen würdest die selbi
gen an zu betten noch zu eeren. die der herren dein got zu
dienst aller völkern. So vnder dem himel seynde. ge
schaffen hat.

Deutro. am vorigen.

Hüt dich vnd nyhm eben war. das du des pacts vnd
punctes gottes deines herren nit vergessest. das du dir
nit ain geschnitzet bild machtest. Dero die dir got deyn
herren verboten hat. dan der herren dein got ist ain verze
rende feur. vnd ain yfrender got.

Deutro. am 5. Capitel.

Ich bin der herꝛ dein got / der ich dich auß Egypten ge-
fürt hab / auß dem hauß der dienstbarkeit. Du solt nie
frembde gôt vor mir haben / mach dir kein geschnitzet
bildt / noch sonst kein abcontröfayung deren dinge so
oben im himel / noch deren so auff dem erdtrich seind / ja
auch deren nit die im wasser vnder dem erdtrich seind.
Du solt dich vor inen nit naygñ oder bucken / ja du solt
inen auch sonst kein eer erbietten. Dann ich bin der
herꝛ dein got ain eyferrer ꝛc.

1. Regum 7.

Samuel hat zum ganzen volck Israhels geredet
sprechende. Kerent jr euch mit ganzem hertzen zu got
ewrem herren / so thünt vñnd werffend alle frembde
götzen von euch.

¶ Got haist die bilder zerbrechen vñnd von der straff
deren die sy habent vñnd eeren.

Numeri 25.

Israel hat die gögen der Moabitzen geert. Das inen
got verbotten hat / darumb ist der herꝛ erzürnt worden
vñnd hat zu Moßi geredet. Nym hin alle färgsetzte des
volcks vñnd hencf sy gegen der sonnen an galgen / auff
das mein zorn abgewende werd von Israel. Vñnd Mo-
ses sprach. Ain yeder schlach seinen nächsten zu tod der
dem Baal Peor geopffret hat.

Deutro. 4.

Itz sach das du kinder gebürst / vñnd kinds kinder
übertompst / so du in dem landt wonest / vñnd machest

Betrogen ainicherley bündnissen das dann vor got ewer
em herren ain groß übel ist damit jr in zorn bewo-
geent. So bezeit ich yetz himel vñ erd das jr bald in
dem land verderben werdent das jr besizen werdent
so jr über den Jordan kumment. Ir werdent nit lang da
wonen ja der herz wirdt euch austilgen vñ in alle
völcker zerströwen vñ werdent ewer wenig in dem
land bleyben in wölliches euch der herz führen wirt vñ got strafe
da selbs werdent ir den gözen dienen die mit der hand sünd mit
der menschen gemecht sind von dem holz vñ stein die sünd
da weder sehen noch hören vñ essent noch riechent.

Deutro. 21.

Also solt du denen völkern thun / der ire altär vñ
vñ zerbrich ire seülen / zerstör die feldkirchen / verbren
ire geschmützte bild dann du bist ain besonder geliebt vñ
aufferwölte volck gottes deines herren.

Deuteronomio 11.

Das seynd die gebot vñ vitayl die du halten solt
so du in das land kumpst das dir got deiner vätter
geben wirt auff das du es bsizest dein leben lang.
Zerstört alle ort vñ stett an denen die hayden by
gözen geeret habent / es sey auff hohen vñ niden
bergen / oder in wälden / zerreißent ire altär vñ seülen
verbrennent die feldkirchen mit eiser vñ die abcontra-
fayung zerstören vñ zerreißent ja auch iren namē von
den stetten.

Deutro. 13.

ding ist/habent sy es ain got genempt/gott hasset die
gotlosen vnd die gotlosey die er thut. Darumb sol mā
nit sehen auff die bildnussen vnnnd gözen der hayden/
dann die creaturen sind got zu schmach vnd haß ge-
macht vnd zu verführung der seelen der menschen/vñ
zu ainer maußfall vnd strick der füßen der vnweyßen.
Dannerfindung der bilden ist ain vrsach vnd anfang
das die seel von got irem herren vnd eegmachel abtrün-
nig worden ist/vnd ist ain zerstückung des lebens/denn
sy sind von anfang nit gewesen vnd werdent auch nit
ewigklich bleyßen. Der überfluß vnd wundergebeyß
menschen/hatt die bild in der welt erfunden ic. Wer
sölllicher schantlicher bilden ist ain anfang vnd ende
alles bösen.

Esaiē am 42.

Wölche in geschnitze bilde hoffent/die werdent
mit schanden geschent/vnnnd wölliche zu dem gotzen
sagent/ir seind vnser helffer. Item am vorgenanten
Capitel. Meineer wird ich kainem andren geben/vñ
mein lob nit den geschnitzen bilden.

Esaiē 44. Capitel.

Das redt der herr/der künig vnnnd erlöser Israels/d
her des herzugs/Ich bin der erst/vnd ich bin der lest
es ist kain got dan ich/vnd wer ist mir gleych? (Dz ist
wer mag mir gleych gebildet werde?) Vñ gleich bald
darnach spricht er. Die werck mayster der gözen/sind
all vngestalt/vñ ire begirlygt aiten werdet sy nit nütze
vñ deren dinge sind sy selbs zeugen/sy sehent nit/sy ver-
stondt nit/veßhalb werdent sy geschendt werden Wer

hat got gebildet/ vnd das bild gegossen das nit nitz ist
gewesen. Element war alle die die tail vñ gmain dar-
an habent. die werdend geschent werdē. vnd die selbst
en bildmacher sein. auß den menschen. Sy werdēt sich
rotten/ sy werden ston vnd erschrecken/ sy werdēt mit
ain ander geschent werden. Der eyser schmied hat mit
seylen gewercket in der glūt/ vnd mit den hāmern hat
ers gemacht/ vnd er hats gestaltet vñ gearbeit in dem
arm seiner stercke. Auch ist er hungerig/ vñ er wirt nit
krefftig sein/ er hat nit getruncken das wasser/ vñ wirt
laß werden. Der bildhauer hat das richscheyt aufge-
streckt/ er hat es mit dem holeysen gestaltet/ er hat es
im winckelmess gemacht/ vñ nach dem zirckel hat ers
poliert vñnd er hat darauß ain bildnus gmacht aines
mans/ als ain en eerlichen schönen menschen wonende
in dem hauß. Er hat die Cederbaum/ die weyden vnd
aychen abgehawen die in dem wald stonde/ er hat dye
tannen gepflanzt die der regen groß gemacht hatt
vnd sy wirt dem menschen in ain hyt/ er hat dauon ge-
nōmen vñ hat sich gewermt/ auch hat ers angezint
vñnd hat brot backen vom übugen hat er ain gott ge-
macht/ den hat er angebetet/ er hat ainschnitz bild
gemacht vnd sich daruorgenayget/ das halb teil von
dem holz hat er verbrent mit dem feur/ vñnd mit dem
andren halbeyl hat er flaisch gekochet vnd hats ge-
essen/ er hat auch sonst kocht kochet vnd ist ersettiget
worden/ er wirt auch warm vñ sagen. Ich bin er-
wermt/ ich han die eiserplatten gsehen/ vñ das übrig
zu ainem got gemacht/ vñ im selbst zu ainem bild/ hat
sich vor im beügt vnd es angebetet/ er hat auch gebet
vñ gesage/ erlöß mich/ hilff mir/ dan du bist mein got.
Sy habent nit verstanden noch erkent denn es haben
vergessen ire augen zusehen/ zu verston ire hertzen/ vnd

machet nit züwonen in seinem herten / vnnnd er erkent
nit / vnnnd verstat nit das er spreche / den halben tail
des holzs hab ich im feur verbrent / vnnnd hab mit den
kolen darvon brot gebachē / ich hab flaysch gekochet
vnnnd habes geessen / vnnnd vom übrigen will ich einen
gößen machen / für das block des holzes will ich nit
Enien / ain tayl darvon ist äschen. ¶ Ain vnweiß hertz
wirts anbetten vnd wirt sein seel nit erretten / vñ wirt
nit sagen / villeycht ist ain lug in meiner gerechtē hand

Jeremie am 10.

Aller mensch ist zum thoren worden / vnd aller bilde
hawer ist gschent worden ins bildt von seyner kunst /
dann es ist ain lautterer falsch das er gmacht hat / vnd
es ist kein gayst noch athem in iren. Sy sind vnnütz /
vnd ist ain werck des verspottens werde ist. In der
zeyt so der herre sy haymsuchen wirt / so werdent sy zü
grunde gon.

Jeremie am 13.

Also wil ich (sagt got) stinckent machen die hof-
fart Juda / vnd die großhoffart Jerusalem / über das
ganz böß volck das meine wort nit hören wil / sonder in
eytelkayt vnnnd üpigkeit wandlent ires herten / sy sind
frömbden gözen nachgangen / vnd hand inen gedient
vnd sy angebetet.

Ezechielis am 14. Capitel.

Der herzogot hat zü mir geredt / sprechend. Das sind
des menschen / dise menner habent in iren herten bild

nussen auffgericht vnd habent ain verlegung für ire
augen gesetzt. Deshalb sprich zu ihnen. Das redet got der
herr. Ain yetlicher mensch auß dem gesind Israel der
da in seynem hertzen bildnussen oder verlegungen seiner
bosshayt auffrichtet vor seinem angesicht vnd so er zu
ainem Propheten kumpt mich durch in fragende. Des
so wird ich o herr im antwortē in der vile seiner vnrein
igkait auff das das volck Israel gefangen werde in
iren hertzen mit dem sy von mir abgewichen seynd in
allen iren bildnussen. Vnd darumb sag dem hauss Is
rael das spricht got der herr. Bekeren euch vñ wen
den euch von eweren bilden vnd keren ewre angesichte
von allen iren vnreynigkayten vnd so sich ayner von
mir kert vnd gözen in sein hertzsetzt vnd kumpt zu ain
em Propheten vnd fraget mich durch in so will ich
im durch mich selbs antworten vnd wil in zu aynem
exempel vnd spriichwort machen vnd verderben von
mitten meines volcks vnd ir werdent erfaren das ich
der herr bin.

Ezechielis am sechsten Capitel

Nennen war ich will das schwert über euch senden
vnd wil zerstören vnd zerschleyzen ewre berg kirchen
vnd ewre altär vnd ewre bilder werden brechen vnd
ich wil die getöten für ewre gözen werffen vnd die
todten bayn ewer erkinde vor ewren gözen vnd will
ewre gebäin zerstören vor ewren altären. Ewre stee
werden o d ewre berg kirchen vnd altär werden zer
schleyzt ewre gözen werdent nit mer seyn vñ ir wer
dent inen das ich der herr bin.

Michae am ersten,

Bj

Alle geschnitzte bild werdent zu boden geschlagen
vnd alle ire wer schafft werden verbrent vnd ich wurd
all jr abcontröfayung verderben dan sy seind vom son
der hüren versamlet vnd sy werdent wider zum son der
hüren werden.

Abacuc am 2.

Was nützt das geschnitzte bild das der bildhauer
geschnitten hat? Ja der werckmaister hat es gossen
vñ die falsche bildnuß gmacht dan der werckmaister
hat in sein werck gehoffet das er ewige bild machet.
Wee dem der zu dem holz spricht wach oder wer zu
dem schweygenden stayn spricht standt auff mag er
etwas leeren? Sich es ist mit gold vnd silber überzog
en dennoch ist kein athem oder gayst in allen seinen
glydern.

¶ Die that deren die bild vnd gögen abgethon hand
wird gerümpft vnd püßen.

4. Regum am achtzehenden.

Der künig Ezechias hat die bergkirchen zerstört
vnd hat die säulen zerbrochen vnd hat die kirchen auß
gerüttet er hatt auch den örinen schlangen zerbrochen
den Moyses gmacht hat dan die kinder Israels hab
ent im biß auff die selben zeyt geopffert.

4. Regum 23. capitel.

Der künig Josias hat erschleynt die stenden bild
vnd die feldkirchen hat er zerstört vnd hat ire stet mit

edten bainen erfülle. Weyer/er hat den altar in dem
haus gottes/vnnd die bergkirchen die der Hieroboam
der son Nabaths/der das volck Israel hatt gemachte
sünden) gebawen hat/vnnd hatt den fron altar in der
waltkirchen zerstört vnd zu puluer verbrent/vnd hätt
die feldkirchen all verbrent. Item 4. Regum. 23.
Der künig Josias hat den obersten Bischoff/ vnd den
andren pfaffen gebotten/ das sy alle gschirr des gözen
Baal auß dem tempel wurffent vnnd er verbrant sy
außwendig der stat Hierusalem. Wie merck/ die pfaf
fen sollent den Künigen oder obren gehorsam sein.

2 Paralip. am 33. Capitel.

Manasses der gotloß künig /nach dem er sich bekert
hat er die bild vnd gözen hingethon vnnd zerbrochen/
des lobt vnd breyst in die gschriefft

¶ Item du findest auch die straff deren so darwider
thon habent am vierden büch der Künigen 1. capitel
auch sonst allenthalß. die zu lang wurden all hyerin
zu erzellen. Wölcher aigenlich vernemen wil was die
gözen für ain vnnütz/ hayloß/ schädlich volck sey/ der
lese das lest capitel des propheten Baruch/ so find er
schön erkläret das sy nyemandt zu nütz noch gut seynd
vnd das alle die sy fürchten oder eeren/ übel von gott
geschenck werden. Der Christglaubig laßt sich wol
mit söllichen kundschaften der gschriefft begnügen.
Damit ich auch den zencf. schē Bapstleren gnüg thū
die sich nit vom sanc an die gschriefft lassen wollen/
so wil ich etliche argument oder einreden so darwyder
gebraucht möchent werden/ kurz auff lösen mit der
gshriefft/ darin dann auch dero dingen kundschaft
anzogen wirdt des newen testaments.

¶ Das erst Argument.

Das sind alles nun zügnessen auß dem alten Testa-
ment das vns Chriſten nit mer bindt noch angat.

Antwort.

Alles so die sieten vnd eergottes antriffet vnd im al-
ten testament gebotten ist betriefft vns auch. Was das
nit were so möchten wir vns der zehen gebotten auch
entschütten. Hierumb zu gleicher weiß als vnns das
erst gebot gottes antriffet. Du sole nit fremde göt ha-
ben. Also triffet vns auch das an von den bilden das
es stat bey ainander in ainertafeln. Vnd wie du auß
dem ghayß gottes nyemant zu tödt schuldig bist dein
vatter vnd mütter zu eeren also bist auch schuldig die
Bild nit zu haben noch zu eeren. Damit du aber auch
auß dem neuen Testament kuntschafft habest so höre
was vns das außerswölt daß Paulus sag ander ersten
epistel zu den Corinthiern am fünffte capitel. Ich
hab euch vor in aym brieff geschriben das ir gang
sölent zuschaffen haben ader gemainschafft mit den
bülerey dz verston ich nit von den bülerey in diser weile
sonder als wölt er sagen mit denen die sich für
Chriſten außgeben ja auch nit mit den geystigen mit
den räuber oder mit denen so die Bild eeren. Wie
redt Paulus der bot Jesu vnser haylands nit von den
Zayden sonder von den Chriſten. Item 1. Corin. am
achten capitel sagt er auch Wir wissen (als wölt
er sprechen es darff nit disputierens) das sy nit götter
sind vnd nit mer dann ain got ist Auch sagt er 1. Cor.
am zehenden capitel. Ir sölent verstande ir Chriſt-
en den bildnussen nit eer entbiethen als iren etlich eh-
band. Paulus erzelt vñ begreiff auch die eer der bilden

er vnder den wercken des flayschs wöllicher die selbig
enthut/ der wirt der erbschafft des reychs gottes nym
mer mer besigen. Ad Galatas am fünfften capitel.
Derhaylig got Jesu Christi Petrus in seiner ersten epi
stel am vierden capitel erzelt auch die eer der bilden vnd
der grewlichen laster/ sagende. Die weyl nun Cristus
im flaysch für vns gelitten hat/ so wapnent euch auch
mit dem selbigen sinn/ dann wölcher am flaysch ley
det/ der hört auff von sünden/ auff das er hinfür in der
zeyt so er noch überstellig hat/ nie den begirlichaiten
der menschen/ sonder dem willengottes lebe/ vnns soll
nun benügen das wir im vergangnen zeyt den müt wil
len der heyden gethon hond/ da wir in der gayle/ inn
lüssen in crunckenheit/ frässerey/ sauffen/ vnd in der
amerck/ schalichlichen eerung der bilden/ glebt hand
Zehhörschlich das wir die bild nie sollen eeren.
Alles das den Israeliten gesagt ist/ das ist auch vns ge
sagt/ dan wir sind yetz so Christo glauben das außser
wölle volck als Paulus allenthalben anzeigt in seynen
epistlen.

Das ander Argument.

Wir eeren doch die bild nie/ vnd betten sy auch
nie an/ sonder die hayligen die sy vns anzaygent.

Antwort.

Sag du gotloser was du wild/ ob du sy schon nit eereft
so sollen die Christen kein bild haben. Das redt got/
So du dan sprichst/ du eereft die hailgen/ das thust du
aber on gottes ghayß vnd wort/ dan er wil seyn eer kay
nem andern gebn/ er ist ain eyfrer/ der mag nit leyde dz
die seel der creatur anhang/ Zillff/ gsundheit trost/ ob
ainicherlay bey der creatur sache/ er wil dz wir solches

als bey jm süchent als bey vnserem vatter. Mathe
am aylfften capitel. Kommet zu mir alle die da arbeit
tent vnd beschwäre sind. Ich wil euch rüwe machen.
Item die hayligen habent sömliche eer von den men
schen nit wölen leyden. Als du hast Act. am 3. cap.
das Petrus vnd Johannes nit wolten das man sy
der gestalt ansehe als hetrent sy dem vierzig jarigen
Krüppel geholffen vnd wurffent alle eer Jesu zu. dan
in kainem andren ist hail / gesundhait / oder seligkayt
dan allain in ihm vnd ist kain andrer nam vnder dem
himmel in dem haylsyge dan im ainigen namen Jesu.
Act. 4. Das wir aber sömlichs von dem gestorbenen
hayligen vnd nit von Gotsüchent ist klar gnüg.
Wir opffrent inen vnd brennent öl kerzen vor inen.
Wir habent ayner yeden frantzhayt ayne gesondere
hayligen so wir gesund werdent so schreybent wir inen
alle Lere zu in dem das wir für ire rüffige Bildmassen
wächssene oren / hend / füß / augen ic hencfen. Item
wir lauffent inen nach gen Stammen Rom / Eynsid
len. Ach. Des alles samen habent sy in irem leben nit
wöllen leyden Act. 14. Gott wil allain angebetet /
angerüfft vnd geeret seyn. Mit deiner aignen chate
wil ich bewären das du die bilder lere / die vonnholz
stein gemachte sind. Ist das nit ain grosse eer das du
sy auff den altar stellest / der Gott allain gebawt soll
werden. So ain tauffter Christ hinauff stünde. So
wurdest du in fast bald hayssen hinab gon. der ain glid
Christi ist vnd du setzest ain rüffigen öl gözen dar.
Item du setzest sy in die kirchen die ain hauß gottes ist
da got allain gebreyt vnd angerüfft sol werden vnd
machen also ain möder / möder grüb dar auß. Synd
die bild vnd öl gözen nit möder. so sy die feelen tödren
vnd sy von got irem eegmahel abfüren. Auf mit men

in ain felle / da gehört das holz hin. Item man spriche
das sind heilig / das ist vnser frawe / das ist sant Anna
ic. Synd sy haylig so mag ain yeder bildmacher ayn
haylgen machen / ja der Papst vnd der bildmacher
mügens gleych wol. Solent wir denn nit ain crucifix
haben? Wir sollen Christum nit mer nach dem fleisch
erkennen / sonder nach dem gaist. 1. Corinth. 5. dann
wir sind ain newe creatur / vnser geheet soll nit meyn
bilden sonder im gayst vnd in der warhaye sein Jo.
ann. 4. Item das man sy eere ist kündelich / warum
vergiffte man die gögen dann / warum beklayde man
sy offe hant seyden / warum zucht man das paret vor
inen ab? Warum krumpe man sich vor inen? In
summa sag was du wilt. So chüt man den scheßigen
gögen eer and die allain got sympe. Wader kumpe
der Bachanten verß. Christophore sancte / virtutes
sunt tibi tante.

Das ist ain menschen thant. Gregorius sagt sol-

liches aber got nit / ja got sage vil ain anders. Got

verwiffet die bild / vnd du wilt auß dem buch leeren

das got verworffen hat. O widerchast / die gliche

das das goehasser vnd aingreuel gottes ist. Wilt

got leeren kennen / soliß die gschrifte die gibe zeugnuß

vorn im Johannis am 5. Liß seine nit der menschen

wort. Er spricht Johannis am 10. meine schäße hö-

ent mein stymme.

C iij

¶ Das vierde Argument.

Sy raygen den menschen zu andacht vnnb zu beserung.

Antwort.

O gleychner. Alle bilder auff erden an ainen hauffen getragen vermügent dich nit vmb ain har frömer oder andächtiger zümachen oder zu got ziehen. Dann Christus spricht Johan. 6. Nyemandt kumpt zu mir es sey dan das in mein himlischer vatter ziehe. Warumß gißst du dem holtz zu das Christus seynem hymlischen vatter allain zu schreybt & Item Johan. 14. Es kumpt nyemandt zum vatter denn durch mich. Er ist der weg/er ist die thür. Warumß wilt du dan durch die gözen (du ölgög) zu got kómen.

¶ Hie mit fleyssen sich alle Christen/ das sy eylentz on verzug die gözen abthünt/ ee jnen got die straff zu sende/ so er gwon ist allen denen zúsenden/ die seynem wort nit folgent. Will yemandt hie noch ain tempel zieren/ so thü er den armen fleyßliche steür/ die ayn lebendigertempel sind/ so werdent wir ewige freud besigen Amen.

¶ Es ist auch zu wissen das diß wort/ Idolon/ dz in Latin hayße Simulacrum/ in Teütsch ein bildnus od gleychnus hayße. Darumb wa in der gschriffte die Ido la verbotten/ sind/ nit allain die abgöt/ sonder die bildnus vud gleychnus verbotten. Darinn aber die Bápstler irrent/ mainent Idolon heisse ainen abgot/ so haist es ain bild oder gleychnus. Vnnb sind in sonderhayt die abgöt verbotten/ inn sonderhait auch die bild/ wa man Idolum findt.

¶ Ir Bápstler sind fräch/ da erzeuget euch weydlich leit/ vnd zeygent mir allweg ain spruch der hayligen gschriffte gegen zeichnen an/ das die bild doch etwar zu gut seyent/ anderst dann inß feür.

Handwritten text at the top of the page, likely a title or header, written in a medieval script.

First main block of handwritten text, consisting of several lines of dense script.

Second main block of handwritten text, continuing the narrative or list.

Third main block of handwritten text, showing further development of the content.

Fourth main block of handwritten text, appearing as a distinct section.

Fifth main block of handwritten text, located near the bottom of the page.

